

甘宁青史略

甘肅青史略

甘肅青史略卷十七

明懷宗

庚辰

崇禎十三年

清崇德五年

春李自成由階入秦尋犯階州參將柳應時走

之

應時用火攻逐之賊走去

夏五月靜甯州土寇偏起

州屬樂土里賊一諒為首糾合數千人肅秦界石鋪州陳翼請兵協同防禦千總馬乾勳等之

六月全甘大饑

人民十死八九慶陽飛蝗蔽天落地如同阜

秋八月階州生番叛誘殺守備李志忠參將柳應時剿平之

九月流賊竄慶陽

冬十月囉賊寇掠清水境知府喬遷高追斬之

十二月聞賊李自成陷甯州謁孔子廟

初賊將韓登長等率眾數萬圍甯州月餘知州李用中與士民堅守得以保全至是來攻

城遂陷自成入城時城頭駕天橋曰真龍不穿洞也甯州學宮建築雄偉為慶郡六屬之冠自成入城即謁廟時有生員趙姓者在文廟避賊自成見度其不免即冒險出為自成

唱禮如儀自成悅即任爲慶陽府知府
死後葬魚池山至今猶呼爲賊知府墓云

慕壽祺曰大哉聖人之遺凡有血氣者莫不尊親非惟學界爲然也雖寇盜亦有時而敬
禮焉自成入甯州他務未遑首謁大成殿行跪拜禮蓋其心目中猶知有聖人在不甯惟
是自成嘗過米脂以金子知縣邊大綬請修文廟所謂盜亦有道者非耶今孔廟
遍天下繼自成而起者不惟不敬孔子又從而毀其宮牆斯又自成之罪人也

辛十四年

清崇德六年

春流賊寇秦州

賊寇秦州西關賂州役柴羔爲內應事洩會大風雨
貢生李芝率民兵逐之尋誅羔時清水張家川民胡

景龍等衆數千人作亂知府喬遷高
誘殺之攻其黨於任家堡賊衆悉平

靜甯州土寇復起知州陳員招撫之

賊搶掠村堡
民不安厥居

流寇陷合水縣城

先是崇禎四年二月二十五日流寇神一奎劉六子等夜半至合水從
北城入殺戮甚衆五年知縣施喬枏招撫復寇七年過天星賊十萬圍

慶陽三晝夜總兵曹變蛟領兵從南殺入斬賊首數千圍解城迎飢民死無數是年正月
內流寇賀宏器齊三詐等率衆萬餘卒至合水城下防軍沈應時郭一學斬獲渠魁三詐
等百餘級走之二月十五日黎明時賊又至以火攻城拒禦無人賊蜂擁而入殺戮之慘
更甚於四年人民星散止餘空城由是縣治遂廢官廨民房蕩然無存劫餘黎庶竄山谷
間荆榛滿目虎狼爲
穴前後二十餘年

是歲羣番謀犯肅州巡撫甘肅呂大器擊走之

初大器由關南道參議遷固原副使巡撫丁啓睿檄大器討長武賊用穴

地火攻法滅之十四年擢右僉都御史巡撫甘肅勅總兵官柴時華不法解其職立遣副將王世寵代之時華乞兵西部及士魯番為變大器令世寵討敗時華及西部時華自焚

死塞外爾送尼黃台吉等擁衆乞食謀犯肅州守臣拒走之大器假賞犒名毒飲馬泉殺其衆無算

壬午十五年

清崇德七年

春西甯番族作亂總兵官馬麟督諸將五道進剿

斬首七百餘級撫降番三

十八族而還

夏四月靈州鎮原莊浪等處田鼠食禾幾盡

六月以蘇京為御史監延甯甘固軍

京起自知縣邊情多未悉

以右僉都御史林日瑞代呂大器巡撫甘肅

日瑞字浴元詔安人萬曆中進士至是巡撫甘肅時省城在古州

秋七月流賊一斗穀圍攻清水縣城三日不克而去

冬十月賊許申陷鎮原

環縣賊許申攻陷鎮原城屯衆七晝夜搜掠俱盡總兵馬某受賊賄按兵不戰王老虎復大掠而去

癸未十六年

清崇德八年

春滿清兵至賀蘭山

滿洲佐領褚庫隨都統噶達琿征鄂爾都斯叛酋多爾濟於賀蘭山俘獲甚眾先是崇德

六年七月石廷柱條上困錦州策略謂近聞喀爾喀扎薩克圖聲言取歸化城恐陰欲取鄂爾都斯臣擬令鄂爾都斯移過黃河與歸化城相近彼此策應仍應簡才勇將士攜取火器並鳥鎗手百人往彼駐守令王貝勒率兵從宣大諸處進略應州雁門歸化城有警輕騎倍道赴援彼明國援遼士馬所恃不過宣大陝西榆林甘肅甯夏諸路西省有變自顧不暇豈能復援遼哉清廷可謂有人矣

案滿洲本曰滿住乃文殊之音轉以佛名爲名也明之中葉有建州衛酋長李滿住者由朝鮮咸鏡道移居興京其後清太祖統其部落以滿住爲尊號是爲滿洲汗至太宗始以滿洲爲部族之名旋又用爲國號崇禎十七年清聖祖章皇帝定鼎燕京至雍正初派滿兵駐防甘肅凡三處曰甯夏曰涼州曰莊浪各建新城以居之是爲甘肅寄籍之滿人歷年既久多與漢族同化

慕壽祺曰清太宗志吞明社先服高麗琉球與武侯欲伐中原先擒孟獲手段略相似腹背受敵明之亡國豈待甲申哉當是時李自成竄陝甘癘疥之疾也清太宗在遼瀋腹心之患也懷宗視遼東爲細事而皇皇焉日剿流寇以致滿兵至賀蘭山則甯夏邊防之廢弛殆可知矣

夏四月以陝西提學汪喬年

字歲星天啓壬戌科進士

總制三邊

喬年山東東萊道視學秦中以儉率諸生章服盡布素校士

汪總制逸事罕
所紀述毛先生
訪之於老儒退
校及行道素不
謀面之人可以
知汪公之大略
矣

必焚香告天故拔置盡一時寒士旋任三邊總制有井姓者為陝西提學時人為之語曰
有學莫忙忙待汪有錢莫省須待井至今關隴父老猶傳誦之喬年任總制未數月奉命

赴河南流寇
陷襄城死之

案毛際可紀總制汪公逸事云黃州赤壁有八十老翁舊為公部曲者曰公任三邊總制
赴援河南師次襄城刃既接大帥賀人龍等久蓄異志皆潰去公孤軍守城賊圍環匝號
數十萬百道攻城公登坤坐矢石間隨機以應殺賊數千人賊憤甚左右泣諫曰衆寡不
敵盍自為計公怒奮拳折其一齒無何城陷猶手刃三賊被執公罵不絕口賊割其耳鼻
磔屍而去襄人建忠烈祠以祀近常州陳玉璫
嘗記李顯父同從同公遇難事與具言相符云

冬十月李自成遣偽總兵牛成虎陷甯夏義民王風水等圖恢復事泄被殺

檄至甯夏慶藩諸宗屬及紳士集慶邸議降有鄧德者排闥入灑淚申大義曰諸公皆欲
實城自全獨不為王計乎衆不聽及賊將牛成虎牛成龍陳之龍據甯夏肆殺戮人民憤
甚有王風水者與指揮彭凌雲等十三人糾合山後蒙古舉義時指揮李學牧在甯夏牛
成龍入城後知其技勇曾授以官不應已而與王風水謀殺賊軍騎往召河東人共起事
又有馬負圖馬呈圖故總兵馬世龍子兄弟也約其表兄彭姓與
承襲都指揮吳繼綬圖恢復事泄皆被殺生員保國壁亦死焉

十二月李自成遣別將劉宗敏屠慶陽知府段復興一門死之

復興陽穀縣人進士以是年二月備

趙本懷清初任
慶陽府知府

兵於慶承凶饑積弱廩無宿儲揭竿四起軍衛頽敝祇卒不滿千人復興張殷文武治具
尚爲持久計未幾督師孫傳庭兵潰潼關三輔繼沒四面環布音問斷絕勢益以孤至是
闖寇李自成命其將劉宗敏以五萬人寇先遣降將白廣恩誘說城下吏民憑堞爭謁
之賊環城急攻復督戰一晝夜親冒矢賊死以數千計自成少爲劫賊過慶當悉其險
慮師久頓傳檄宗敏還使未至前一日奸民馬天駟楊廷藻賊餌以爵夜縋賊入關黎明
賊自交衢發礮張幟以進守陣者惶駭散復輿坐北樓呵止之未幾城陷隨一僮一卒
入署跪啓太夫人掖之登樓妻妾四人俱自經積薪以焚獨一婢負復興幼子避民舍復
興召之曰吾奉太夫人死節而以子免人其謂我何於是子女俱赴烈焰太夫人亦自死
於火復興北向誦闕竟徐起更戎衣持銅鑼步自北門遇持矛賊二人格鬪殺之賊益衆
又迎擊斃其馬上人遂死戰死三日郡屠民識復興尸遂環泣含檢以葬其時練兵營
都司周嘉彥復與愛將也驍勇善戰人呼之小將城圍復興使守北門
賊入嘉彥單騎大呼巷戰良久手刃數十人酒痛哭殺所乘馬自刎死
附錄趙本植中段公殉難詞調寄滿江紅其詞曰寇起黃巾誰孤守金甌無缺歎一旦捐
軀爲國濟陽人傑長戟縱橫靈霧短稍馳突揮淵日奈奸民延敵已開關冲冠髮母死
義妻死節烈火焰飄風發更闌門數口蒙摧玉折夜夜城
烏啼墓草年年精衛流丹血看靈旗斜颺離譙西猶嗚咽
又弔段公偏裨周嘉彥戰沒於慶陽北門仍用前調其詞曰奮勇當關說三輔紛紛殘缺
料只有男兒南八素稱驍傑瘡裏兜鎗蟲蠹矢攢蜂蛸光潛日惜一身力竭倍難支結
纓髮畢吾志完吾節戰士沒狼機發念公乎何往灰飛骨折擊
賊恨回顏魯尚填胸淚比長宏血對城隅暮角起悲風陰靈咽

右軍都督府同知副總兵魯允昌上書言事不報

連城土司魯允昌世襲指揮僉事崇禎九年陞參將分守莊浪逾年

陞副總兵協守西甯至是聞李自成據陝西僭號設官秦鞏震搖知蘭州孤危戰守均不可恃亟上疏請勅肅藩渡河保甯涼甘肅以圖恢復不報

案慶陽府志賊退十民葬復興衣冠於郭外後之人設祭憑弔其上名曰段公墳清初楊

天寵守慶陽時安化縣吳某請於段復興死所建祠以祭尚有老於劉餘佑曾列復興門

牆連其死難事最詳聞者高其義遂立祠北門即復興殉難處也至雍正己酉歲知府卜

環謁其祠而修復之工既竣府以三君子善斯司李聖居在籍太史麻僖都司周嘉彥莫

不忠義奮發與復興有同心焉

復興有同心焉

慕壽祺曰崇禎十七年李自成攻甯武總兵周遇吉奮勇力戰賊為之奪氣後力絀而死

自成歎曰使守將盡如周將軍我安得至此復興守慶陽其事正相類使城守者盡如復

興則自成之禍當不至若是酷也太史公曰死有重於泰山如復興守慶陽常山之顏杲卿睢陽之張將軍不是過也而又一門忠烈其使人激厲更可悲矣

李自成遣將賀錦陷平涼韓王秉堦被執不屈死之

初孫傳庭守潼關聞賊西竄議出征秦民苦累已極即

鎮原小縣一月之內要牛五十頭沙氈百條糧袋百口往返解送使費日甚民人怨是歲冬十月傳庭出關一敗遂至瓦解降賊王老虎駐鎮原及西安陷復叛聞平涼走

空乘機率衆圍攻歷半月城未破賀錦未至之先有牌到平涼以安民為名馬步二十四

萬勢甚凶狂紳民惶恐知不敵議降及賊兵壓境全城設香案出迎王老虎亦降是日白

虹貫日韓王及襄陵王不肯降遇害時賊將兵馬衆多大肆搶掠逼迫婦女投井者無算

案襄陵王者冲炁憲王第二子有至性母病刲股和藥病良已及卒終喪毀瘠每展墓必率子孫躬舂鐻培塚先後璽書褒美者六子範址服其教母荆罹危疾以刲股進之愈其

後五世同居門內雍肅嘉靖十一年賣以羊酒文幣韓諸王以襄陵家法爲第一至是賊陷平涼與韓王同死

案鎮原舊志癸未冬十月知縣朱誼濤因公赴平涼闖賊將進城時匿花窖中作平涼開門迎降詩其辭曰天心不奪四人事莫能輔敵卻故君恩威投新來主香煙迷道路先驅

爭負弩不啻草隨風豈真旱望雨只顧身與家免致遭戕斧豈知烏合儔號令少律矩逼迫及婦人拷烙誠毒苦十室九家空搜山真似虎嗟予命多蹇避鋒藏穴士卒之禍終櫻

狹路逢賊虜挾刀問金銀揮條鞭背股尙顧殘生存抽薪魚出釜赤身臥土淋渴饑無所取往來索問頻忿氣含胸肚戰戰十日問兵民稍安堵收理殘家具吞聲不敢撫可憐錦

衣人一朝盡濫縷榮枯幻夢場倏忽成今古一派新官儀無復舊旗鼓街道相驅馳縱橫皆賊伍潛身走鎮原閉目不敢睹回思賊中情凜凜舌還吐

賀錦陷隆德

錦入城下令曰兵入民室者斬

靜甯州知州陳曩以城降流賊

州民初聞隆德陷驚怖謀遣人輸款後聞賀錦軍令甚嚴擁知州陳曩迎降由是降者日衆

流寇攻安定久而城陷知縣鄆應翼邑紳劉耀龍死之

耀龍安定故家子由舉人官河南開封府同知聞流

寇猖熾乃乞骸骨歸至是驚報日聞與知縣鄆應翼共城守死初賀錦以得勝之師攻安定城不能克將舍而之蘭州適錦子過城下一人以火彈擊之死錦怒攻益力奸人內應開門降應翼不屈賊縛於柱鞭之血濺城磚罵不絕口賊殺之耀龍聞城陷衣冠死家廟中初安定庠生王保民當賊攻城時號於衆曰協心堅守賊進城無噍類矣率諸子姪力戰三晝夜兄保泰弟保貞子敬俱庠生一時同被賊小姪孫宏殺射殺二十餘賊賊多識之入城碎其屍同時監生陳周鼎庠生石瑄高朝鳳罵賊不屈死康維新李洲楊毓秀陳周瑞陳周哲俱墜城死楊中葵巷戰死劉翹名楊九儀王爾薛三戒楊道泰與保民同識守城者賊指名審訊皆不屈被殺義民柏張問行孫印子應泰張一才張懋齡李太昇王臣竭力捍守手

流賊攻通渭陷之

賊環攻通渭官民固守越七日夜賊豎雲梯自西南隅登城遂陷士民不屈被殺者四千餘人賊至馬營監買有鵬守禦力竭而死又有

杜道玉者挺戈迎擊於四峴山被賊斫死

案馬營監在通渭縣西與定西接界明正統間創設馬政割爲牧地始置安定苑統於平涼苑馬寺其城池學校春秋廟祀規模如一縣然嘉靖時復設闕長二員後升爲監設監正有學額八名應平涼試康熙元年苑寺奏馬政滋弊監遂廢三年裁入靜甯州五十七年地大震城池俱陷遂以馬營爲衙署後縣城工竣復歸通渭乾隆四十九年因同變福康安由馬營進兵征剿始設登汛

又攷靜甯州志安定監卽馬營監本羣昌府通渭縣之大華川前明定馬政割爲韓藩牧地初置安定苑城踞北山麓並東西關爲三城與長樂靈武二監廣甯開城黑水清平萬安武安六苑並統於平涼之苑馬寺領軍四百二十七人原馬並駒三千五百六十九匹嘉靖間馬並駒猶存二千九百三十五匹牧圉長二員後升爲監設監正教諭各一員清初因之其後馬政滋敝康熙元年苑寺遲某題以河西民力已竭等申奏革牧圉報可於是諸監並廢三年裁歸安定監於靜甯州仍其故名凡六營曰中營曰稠泥營曰石峽營曰原川營曰衙門營曰雙井營別號總爲馬營云東二十里至鎮龍川接通渭縣界南十五里尖崗山三十里至第三鋪接通渭界西三十里至蟾毋山白馬廟接蘭州衛之牛營界北四十里至蒸餅山索駱駝接會甯界在靜甯縣州治西南一百八十里

李自成遣賊帥袁宗弟劉體純取秦州本府通判朱廷璋署州事死之

是月也流賊牛

鎮守等敗反以勦萬人攻清水縣城十五日不克去之

李自成別將破臨洮副將歐陽袞死之

自成遣將犯臨洮總兵黃應選棄城遁袞誓死守奸弁有獻城者袞閉妻孥十餘口於寓

縱火焚之父子巷戰力竭被擒見賊首賀思賢等其子有懼色袞大呼曰吾兒不可爲賊屈因握其子手罵賊不絕口賊殺之頸斷而手未分

總兵白廣恩走固原

廣恩降將也性驚駭不奉約束上命隸孫傳庭麾下辦賊至是李自成攻潼關廣恩力戰而高傑不救旣敗走固原爲賊將追及遂

以城降

賀錦破蘭州肅王議鉉及宗人妃嬪皆遇害

識鉉憲王紳堯子萬曆四十二年封世子天啓元年襲封好詩文精書畫所鐫

淳化閣帖世爭寶之至是李自成遣將賀錦陷蘭州王及宗人皆遇害

案肅莊王朱模太祖第十四子洪武十一年封漢王二十四年改封肅王於甘州建文元年內徙蘭州永樂十八年薨諡曰莊子瞻焰嗣薨諡曰康子祿坤嗣薨諡曰簡子貢錄嗣薨諡曰恭子靖王未封薨子弼桃嗣薨諡曰定子緒炯嗣薨諡曰昭子紳堯嗣薨諡曰懷無嗣靖王之孫弼柿子緒續以輔國將軍理府事尋准封薨諡曰懿子紳堯嗣薨諡曰憲子識鉉嗣國寇入城遇害

太祖所頒起名字今所致者十九

案明史肅藩世守蘭州子孫命名太祖賜以瞻祿貢弼緒紳識烈忠曦聯躋當運凱諫處恆隆二十字諸子封郡王世子襲本封諸子及孫曾遞授鎮國輔國奉國將軍四世五世孫遞授鎮國輔國中尉六世以下皆奉國中尉官與有明一代相終始王雖不親民事而蘭州有大工役及旌勸之舉亦時出金帛相助及國亡人多惜之

總督左宗棠於清光緒初為督署後園烈妃廟記明建肅藩蘭州崇西陲也崇禎十六年李自成遣賊陷蘭州執肅王識鉉不屈被害次年明亡方賊之陷城也肅王妃顏氏趙氏顧氏嬪田氏楊氏倉卒率宮人二百餘山園上北城將投河殉賊追急顏氏遽以首觸肅先王所書碑死諸妃嬪宮人刎斃縊斃自擲斃頃刻立盡賊退邦人棺殮諸妃嬪瘞諸宮

於是山丹永昌
諸衛皆降

人作大家園北維時郡縣官吏王府僚佐或死或遁無以其事上聞者國初關隴間隔易性之際勝朝遺事晦伏不章嗟嗟諸妃貞魂烈魄足立人紀光日月矣僅賴志乘數語存其姓氏二百餘年無過問者遺阡故在節署後園中灌莽翳塞又少游人過客相與吟咏其間者再數十年恐遂無有能舉其事者矣余持節討回軍事漸定暇時徘徊園中立石大家旁表曰貞烈遺阡南數武即舊延緣亭改題烈妃廟外主以祀命衛官月朔薦香體妥之一日上北城過肅王碑見烈妃所自碎首處血痕噴灑團潰縷注軍士告余天陰雨濕其痕視常日加明精誠所至金石亦開曷足異也遠望賀蘭俯瞰大河山不礙河不礙奚此阡而獨紀乎

慕壽祺曰聞之父老云賀錦犯蘭州州人聞靜甯迎降賊未嘗妄戮一人遂開門拜降於馬首賊突入肅王府變出倉卒肅王識鉉走匿邸東山子石被執幕僚二百餘人由邸園上北城避之須臾賊至大索二百餘人無一免者今督署北城隈相傳卽王府諸僚殉節處今已二百八十餘年矣而大冢巍然在瓦礫榛莽間時露白骨莫之恤也嗚呼蕭蘭共玉石俱焚計當時王府賓從不乏儒雅之彥而皆同赴虐餓並其姓字官職不傳不可悲也已

賀錦渡河而西莊涼望風降附

莊莊浪也卽今之永登縣屬涼州管轄時賀錦兵勢洶洶所至之地如泰山壓卵莊浪涼州望風請降連城士

魯司允昌憤極盡散金帛於將士提所部七兵退守西大通

十二月以余應桂總督三邊收邊兵勦賊

時甘州尙未失而大勢已去應桂不能進

賀錦陷甘州巡撫林日瑞總兵馬燼等死之

賀錦進逼甘肅日瑞聞賊至急結西羌嚴兵以待自率副將郭天吉等扼諸河

于十二月賊踏冰過直抵甘州城下日瑞入城戰且守大雪深丈許手足皸守者咸怨奸人遣降夷居城中爲內應乘夜坎雪而登城陷日瑞被執誘以官不從賊怒磔之屠甘州殺居民十四萬七千人總兵官馬燼副將郭天吉中軍哈維新姚世儒同知藍臺鄉官羅俊傑等同死

案甘州志馬燼山西蔚州人故總兵馬芳孫也以天津總兵移鎮甘肅十五年督兵破叛番斬首七百餘級撫安三十八族而還其冬督師孫傳庭以檄召不至疏劾之帝令察燼堪辦賊許戴罪圖功詔以賜劍從事比至軍復以逗遛淫掠再被劾帝仍令戴罪自効尋使屯商州防寇北犯傳庭師覆還鎮崇禎十六年冬賊黨賀錦圍甘州燼與巡撫林日瑞協力同守城陷死之副將郭天吉善射時號郭神箭累射殺賊其衆天吉等河干失守歸保甘州城破其父沒於賊天吉歸殺妻妾子女一僕負幼子逃天吉自殺

慕壽祺曰自有史冊以來盜賊之暴橫未有甚於李自成者也自成侵掠隴東鎮原首當其衝其被禍爲尤慘余鎮原人也鎮原之北有大小房山與環縣接壤父老相傳自成爲左光先曹變蛟所敗率殘卒走環縣輾轉入鎮原境於此嘯聚亡命勢復振又嘗過孟壩鎮有知掌故者告余曰此明之西壕寨也崇禎九年三月自成敗官軍於此而鎮原遂陷沈沙折戟鐵猶未消相與摩挲者久之夫盜賊之禍明代所恆有永樂中唐賽兒倡亂山東厥後乘瑕弄兵頻見竊發然皆旋就撲滅武宗之世賊寇蔓延與崇禎初無異而卒以掃其故何哉善孝武時人心固屬脈安雖以武之童昏亟行裨政而本根未撥委任得人邊遠如甘肅亦大有人在彭澤盜寇於四川仇鉞奏功於甯夏又有王瓊爲之相陸安爲

之將跳梁小醜其何能爲以故危而不亡懷宗非亡國之君而當亡國之運又乏救亡之術卒致宗社顛覆徒以身殉悲夫嘗求其所以亡國之由則以求始太急布令太煩進退天下人太輕故有人而無人之用其辦流寇也爲閫帥者事權中制功過莫償敗一方卽戮一將墮一城卽殺一吏賞罰太明而至於不可爲制馭過嚴而至於不能制益以饑饉洊臻萑苻蜂起軍不能勦專務撫綏一誤於楊鶴再誤於陳奇瑜三誤於熊文燦關隴重地無一片乾淨土矣此明之所以失天下也其尤足怪者崇禎三年以給事中劉懋議裁驛站時則自成猶爲銀川之驛卒也使驛不裁一匹夫而已山陝游民仰驛糴者旣無所得食尙何事之不可爲乎兵部郎中李繼貞恐饑民將盡爲盜請以帑金十萬振之懷宗不聽此機一失燎原之火不可撲滅矣夫自成屢瀕於危而終不死者能用文人言聽計從此其所以亂天下也十三年十二月河南杞縣舉人李信與山西廬氏縣舉人牛金星同時往投自成自成大喜改信曰名巖巖從造謠詞曰迎闖王不納糧使兒童歌以相煽從之者日衆自成遂稱新順王後集牛金星等議兵所向牛金星請先取河北直走京師楊永裕請先下金陵斷燕都糧道從事顧君恩曰關中大王桑梓邦也曰二山河天下三分之二宜先取之建立基業自成從之是年冬十月遂陷潼關走榆林乘勝取甯夏屠慶陽陷平涼執韓王稟靖下蘭州肅邸戰敗而死賊將賀錦渡河而西攻甘州至十二月晦城陷巡撫林日瑞等死明年又攻陷西甯於是肅州等處皆降自成未幾遂有三月十九日之變明社將墟非人力之所能挽回矣

慕壹祺曰明設甘肅巡撫駐甘州是卽省城也河西四郡皆爲其所屬當是時蘭州陷涼州降而西甯肅州無恙也甘州被圍日久始失之游偵不以時繼失之鄰封不相救流寇

申抵城陷隙卒陷甘州屠之肅州與西甯亦同歸於盡
甲西陲失而明社墟矣嗚呼天爲之哉抑人爲之耶

附錄天山雪傳奇

清順治時作紀明末流寇陷甘州事跋

郭人鄰

林公勁爽馬公英千億生靈百二城夜半天山飛玉滿血光已映雪光明

闖王部下左金王

賀錦又名珍

豈敵金城帝子閭若使防河埋勁旅黃巾爭教渡

姑藏

西涼戰壘最崢嶸弱水何曾有弱兵七覆未教藏峽口點番潛引豎降旌

文人獻策武彎弓婦女知方賦小戎爭奈歐陽占數定居延瀨氣撼蒼穹

白眉忠胄慨無聊

馬廣文義瑞填譜即殉節馬總戎令子也

管領千魂控九霄恰喜中丞有小阮杏

林倩女咏桃夭

同保危城効匪躬憫忠祠畔繼孤忠趙羅怒氣冲井鬼燬廟偏遣王總戎

王公